

# SCIPII GENTILIS

*NEREVS*

SIVE DE NATALI

Elizabethæ

Illustris. Philippi Sydnæi

*Filia.*




LONDINI

Apud Iohannem VVolfium.

1 5 8 5.







# ILLVSTRISSIMO

viro *Philippo Sydnaeo*

Scipius Gentilis

S. P. D.



*A*rentem te esse nunc primum, Sydnaei, factum gaudent etiam dii, quorum ex numero Nereus hic noster. Eum ego filiolarum tuarum non modo laudes, verum etiam fata canentem feci: facturum Musas: nisi illas maiori nunc quadam cura destringi existimassem legendi mellis, quo infantem istam tuam suauissimo alant, non solum os tingant. Itaque perpetuarum illarum comites, hospitesque tuarum tantisper à te discessere, donec omnes apum favos excutiant, ipsumque Hyblam (si fieri potuerit) in Britanniam transferant, atque adeò in larem familiarem tuum. Ceterum neque hic noster, quem dixi, Deus ignarus vatum, & venturi æui. Imò ipse vates est: & is vates, quem ab omni mendacio atque errore alienum dixit Hesiodus. Cupientem ad te venire dimisi libens. Nec commendo: Satis

A 2

ipso

ipso quod præfert Nerei nomine commendatus  
est, aliquantulum etiam (ni fallor) authoris meo.  
Et (dicam enim quod præfagit animus) non vlti-  
ma vice nunc venit: nec semper futura, breui eti-  
am præterita, eaq; amplissima, & (vt spero) de te  
ipso canet. Adsis modò, & Geticum modereris  
Apolline Martem. *Vale.*





## SCIPII GENTILIS NEREVS.

**F**Orte suis nuper genitor Tamesinus ab antris  
Vicinas resonare nouis vagitibus auras  
Audierat, plausuq; virum vada pulsa moueri  
Admirans, summa senior prospexit ab vnda,  
Canentes glauca velatus arundine crines.  
Tum vero egregias turres, sanctosq; penates,  
Valsingameæ cernit decora ardua gentis.  
Tum videt accensos lucere in turribus ignes  
Per noctem, puroq; faces splendescere cælo  
Insolitum: Leto compleri cuncta tumultu.  
Nec iam animi dubitat, primo quin flore puella  
Ediderit magnos cæli sub lumina fructus.  
Quippe diu hoc meditans optauerat: igneus ex quo  
Auulsam natam molli matris complexu  
Donauit iuueni, cupidoq; Hymenæus amanti.  
Ergo hilaris, certusq; suo se reddidit antro  
Spumeus. Hic illi chlamydem noctesq; diesq;  
Urgebant hyalo nymphæ, muscoq; virenti:  
Grandiaq; intextis ornabant fila smaragdis.

**B**

*Inter*

Inter quas curâ melior Neseis, & arte,  
Conatur varias per lufum infpergere formas.  
Et iam cognatos Troia depinxerat amnes:  
Iam Simois, Xanthusq; fluunt: nemorofaque fagro  
Iminet Idaiugo: & fuluâ puer alite raptus  
Aetherias curfu nubes tranare videtur.  
Sufpiciunt pauidi comites, atq; in fcia pubes  
Venantium: effufi manibus labuntur & arcus  
Et calami, cœlumq; canes latratibus implent.  
Omnia quæ Tamefis tolli iubet, atq; ita fatur.  
Ite meæ natæ, fagrum genus, ite laborum  
Nunc vacuæ, feftosq; dies agitate perundas,  
Et choreas luftrate pias. Sydneia quando  
Formofam thalamo coniux enixa puellam  
Optatum peperit nymphis decus. Illicet omnes  
Sedibus exilûere fuis, Nereia Drymo,  
Et Metis & rofeis Ciane fpectanda lacertis  
Clioq; , Clothoq; , Pherufaq; , Cymothoëq;  
Candida populeis euincta tempora fertis:  
Crifæe, Spioq; , Ligeaq; , Lamprothoeq;  
Afiaq; , & Melite: quâ non eft altera Nais  
Doctior herbofam iaculo contingere metam.  
Atq; Ione, atq; Halis, atq; Idya Neptunine.  
Omnes cœruleæ, Succintæ pellibus omnes,  
Omnes Affyrio perfufæ membra liquore.  
Vnum omnes fecere chorum, paffisq; feruntur  
Crinibus, & molles agitant per cœrula lufus,

Non



Non tacita: namq; illa acrem super aurea Sydnem  
Astra ferunt, Sydnem ripæ, collesq; resultant.  
Nec minus infanti pulchram cum virgine matrem  
Laudibus attollunt: atq; illis humida ferre  
Dona parant pelagi, & salsas tentare lacunas.  
Quò simul aduenière, simul connexa soluto  
Bracchia diduxère choro: diuersa per aquor  
Discedunt. pars gemmiferas non inscia conchas  
In medijs explorat aquis. pars gramina ponti,  
Aut imo euellit ramosa coralia saxo.  
Hæc etiam scopulis muscum legit: illa virentes  
Querit, auens oculis, in parua monilia baccas.  
Nec liquidi interea cantus, interue laborem  
Cessat amor dulcis Musæ. vidère canentum  
Agmina Nereides: vidit Neptunus, & ipse  
Cum Nereo, Phorcusq; senex, Glaucusq; bisformis  
Et Triton, cui sæpe, cauâ dum marmora concha  
Personat, & grato demulcet carmine pisces,  
Ipsa suos solita est concedere Thetis amores.  
Nunc omnes pariter lati tua magne sub antra  
Conueniunt Neptune pater: dulciq; fruuntur  
Alloquio. Nereus & fatis ora resoluit.  
Veridicus Nereus, cuius non carmina quisquam  
Arguet, aut vlli temnent oracula vates.  
Nascere iam pelago Titan, liquidumq; sereno  
Axe diem præ te effer agens: ne Phæbe morare,  
Sed propera, sed celsa solo cunabula cerne.

Non alias toto micuerunt sidera mundo  
Purius, aut gelidi tantum fulsere Triones.  
Iam luctum Erigone, ferrum iam ponit Orion.  
Iam non Oceani mergi timet annibus Arctos.  
Ipsa etiam tanto Tellus letissima partu  
Summittit varios alieno tempore flores:  
Canaq; purpureis affundit lilia cunis.  
Lilia si tellus fundit, Neptunia regna  
Pheniceo mittent granidas cum murice conchas.  
Nos etiam & maiora, etiam meliora feremus  
Quum primum niueo iungetur nupta marito.  
Tempore quo tantum gaudebunt numina quantum  
Nec veteris Pelei tædis, Diuæq; marinæ  
Non frustra tantum gaudebunt: nam neq; tantam  
Ipse puer Pelei, fatis promissus, Achilles  
Neptunio spem fecit auo, regi; deorum.  
Quantam, qui nunc parua, olim Sydneide nymphea  
Nascetur, fatis Parisq; volentibus iisdem,  
Sydnei præbet auo. Sed tu, cui fata canuntur  
Incipe fatidicos mecum Dea conscia versus.  
Non illum Troia procul, & crudelibus aris  
Lydia subducat mollis custodia regis,  
Feminea indutum palla, nec Syria virgo  
Pectere dente comas illum sibi coget eburno.  
Incipe fatidicos mecum, precor, incipe versus,  
Imo ubi iam pedibus terræ sola pellere primis  
Incipiet, pharetram exhumero suspendet, & album

Deiciet



Deiciet Tameſis viridanti margine cycnum.  
Mox etiam aut ceruum imbellem, damamue fugacem  
Puniceo figet ſepta inter frondea telo.  
Incipe fatidicos mecum dea conſcia verſus.  
Ille vel Armeniæ curſu veſtigia Tygris  
Præuertet: Zephiro quamuis ſit nata parente  
Vt priſci memorant Graij: quis crederet auris  
Vel tygras fœtas, vel equas? ſub vertice Ibero  
Tagri montis equas, tygres Euphratis ad amnem?  
Incipe fatidicos mecum, precor, incipe verſus.  
Ille etiam primas duro in certamine palmas  
Accipiet, quaſſans immanni robore pinum  
Pectus in aduerſum. populi quæ gaudia circum  
Stantis erunt? qui tum plauſus? quæ verba fauentum?  
Incipe fatidicos mecum dea conſcia verſus.  
Inde vbi iam puero ſuadebit firmior ætas  
Pubentes florere genas, animumq; virilem  
Induet: extremos victor mittetur ad Indos,  
Palladis auſpicijs, atq; armipotentis Eliſæ:  
Regnaq; non vllâ findet ſulcata carina.  
Incipe fatidicos mecum, precor, incipe verſus.  
Hic genus in ſiluis diſperſum colliget altis:  
Atq; vrbes colere, & mores ſeruare docebit:  
Sydneamq; ab auī dicet cognomine terram.  
Incipe fatidicos mecum dea conſcia verſus.  
Inde domum magno patriæ reuocatus amore  
Victricem claſſem multa cum laude reducet:

Non sine Tritonum cāntu, gentisq; marina  
Lætitia, plausuq; & squamigero comitatu.  
Incipe fatidicos mecum, precor, incipe versus.  
Illius in bello virtutes Sequana sepe,  
Et Scalde, & creber scopulis mirabitur Ister,  
Sidereusq; Padus: nec tu pulcherrime semper  
Auriferis tumidus latè Tagus ibis arenis  
Submissaq; patrem Tamesim veneraberis vrna.  
Incipe fatidicos mecum dea conscia versus.  
Namq; velut pisces, pelagi labente recessu,  
Tethyos incana, submotæq; incola Thules,  
Adueniens, nuda passim concidit in acta:  
Hostilis ferro prosternet corpora turba.  
Incipe fatidicos mecum, precor, incipe versus.  
Atq; illis multos numeroso funere luctus  
Funeraq;, luctumq; alijs præbebit: & vnus  
Omnibus, vt nautis scopulus vitabitur horrens.  
Incipe fatidicos mecum dea conscia versus.  
Sola in eum cupidos, virgo defiget ocellos  
Regia, ab aduersa spectans certamina turri:  
Sola illum incolumem cupiet, Diuisq; benignis  
(Vt quondam ob flauum Minois Thesea virgo)  
Multa silens roseo promittet dona labello.  
Incipe fatidicos mecum, precor, incipe versus.  
Quid pacis referam laudes? hoc vindice legum  
Mortales iterum Cætus, vrbesq; reuisset  
Iustitia, & leta ditabit fruge colonos.

Incipe



Incipe fatidicos mecum dea conscia versus.  
Ac velut Aegeo in magno quibus Anthias undis,  
Ille sacer miseris gratusq; natantibus errat:  
Nulla illic Cete, nulli versantur Echini:  
Sic quacunq; feret sancta cum virgine gressus,  
Nulli illic vepres, nulla nascentur aenae.  
Incipe fatidicos mecum, precor, incipe versus.  
Ergo age, disce tuos iam nunc Sydneis honores,  
Feliciq; tuos risu iam disce parentes,  
Qui te solam oculis, solam te mente requirunt.  
Incipe fatidicos mecum dea conscia versus.  
Aspice purpureo properantem gurgite solem,  
Plaudentesq; polo flammis: simul aspice flammis,  
Ut caelum inuita phæbo veniente relinquunt,  
Incipe fatidicos mecum, precor, incipe versus.  
Taliampernoctem muscosa in sede canebat  
Veridicus nuper diuino pectore Nereus.  
Excepere Dei plausu: praeq; omnibus vdae  
Nereides vati primum assiluerunt marino.  
At vero gemini curru Delphines eodem  
Cornipedum in morem iuncti, per liquida ducunt  
Regna senem, circum Nymphae comitantur, & omnes  
Lascivæ Nerei pecudes, simaq; natantes.  
Iamq; pruinosos Titan ostenderat axes  
Et tremulum roseo spargebat lumine pontum.

FINIS.